

四庫全書

集部

欽定四庫全書

集部

御選古文淵鑒卷十六

詳校官尚書臣德保

主事銜臣徐以坤覆勘

總校官進士臣朱 鈐

校對官編修臣莊通敏

謄錄監生臣卹南林

欽定四庫全書

御選古文淵鑒卷十六目錄

漢

孔衍

上書辨明家語

耿育

訟陳湯書

王嘉

請重二千石疏

遣將行邊對

日食論董賢奏

再論董賢奏

母將隆

諫賜武庫兵器奏

師丹

定陶共皇立廟議

李尋

災異對

鮑宣

諫寵外親幸臣書

論董賢書

揚雄

諫不受單于朝書

劉歆

毀廟議

賁讓太常博士書

賁讓

治河奏

欽定四庫全書

御選古文淵鑒卷十六

內閣學士兼禮部侍郎教習庶吉士臣徐乾學等奉

旨編注

漢

孔衍

孔安國孫
為博士

上書辨明家語

初撰次孔子家語為四十四篇
值王莽事不行後成帝詔劉向

較定眾書都純錄名古今文
書論語別錄衍上書辨之

欽定四庫全書

御選古文淵鑒

家語真孔氏書與
孔叢自刻得博士
言更足據正矣

臣聞明王不掩人之功大聖不遺人之善所以能明聖
也陛下發明詔諮羣儒集天下書籍無言不悉命通才
大夫較定其義使遐載之文以大著於今日立言之士
垂於不朽此則蹈明王之軌遵大聖之風者也雖唐帝
之煥然周王之或或未若斯之極也故述作之士莫不
樂測大倫焉臣祖故臨淮太守安國逮仕於孝武皇帝
之世以經學為名以儒雅為官讚明道義見稱前朝時
魯恭王壞孔子故宅得古文科斗尚書孝經論語世人

臣熙曰本章家
學不難自言文
氣快聞筆極矯
健

莫有能言者安國為改今文讀而訓傳其義又捃次孔
子家語既畢會值巫蠱事起遂閣廢不行於時然其典
雅正實與世相傳者不可同日而論也光祿大夫向以
為時所未施之故尚書則不紀于別錄論語則不使名
家也臣竊惜之且百家章句無不畢紀况孔子家古文
正實而疑之哉又戴聖皆近世小儒以禮記不足而乃
取孔子家語雜亂者及子思孟軻荀卿之書以裨益之總
名之曰禮記今向見其已在禮記者則便除家語之本

篇是謂滅其源而存其末也不亦難乎臣之愚以為宜

如此為例皆記錄別見故敢冒昧以聞

奏上天子許之未即論定而向

病亡遂不果立

耿育

成帝時議郎

訟陳湯書

湯與將作大匠解萬年建議起昌陵邑坐下獄徙邊有因上書寃訟湯

湯即不侯有此一書可以無憾

延壽湯為聖漢揚鈞深致遠之威雪國家累年之恥討

絕域不羈之君係萬里難制之虜豈有比哉先帝嘉之

仍下明詔宣著其功改年垂歷傳之無窮

謂改年為應竟寧也

鹿門茅坤曰論
文不如向永然
亦可見古人材
指不同

臣正治曰不賞
邊功臣衡亦非
無見而劉向取
育輩衆衆上書
其言則弊能令
湯與延壽心折

是南郡獻白虎邊陲無警備會先帝寢疾然猶垂意不
忘數使尚書責問丞相趣立其功獨丞相匡衡排而不
予封延壽湯數百戶此功臣戰士所以失望也孝成皇
帝承建業之基乘征伐之威兵革不動國家無事而大
臣傾邪讒佞在朝曾不深惟本末之難以防未然之戒
欲專主威排妒有功使湯塊然塊然獨處之意如土塊也被冤拘囚
不能自明卒以無罪老棄敦煌正當西域通道令威名
折衝之臣旋踵及身復為郅支遺虜所笑誠可悲也至

臣鴻緒曰向書
與切永書條電
育書更覺抑揚
感慨動人聽聞

今奉使外蠻者未嘗不陳郅支之誅以揚漢國之盛夫
援人之功以懼敵棄人之身以快讒豈不痛哉且安不
忘危盛必慮衰今國家素無文帝累年節儉富饒之畜
又無武帝薦延梟俊禽敵之臣薦延使羣臣薦獨有一
士而延納之陳湯耳假使異世不及陛下尚望國家追錄其功封表
其墓以勸後進也湯幸得身當聖世功曾未久反聽邪
臣鞭逐斥遠使亡逃分竄死無處所分謂散離也虞書
辨典曰分比三苗遠覽之士莫不計度以為湯功累世不可及而湯過人

潮畧細故勿數改
易皆深達治體之
言然須慎簡其人
乃有實效

情所有湯尚如此雖復破絕筋骨暴露形骸猶復制於

脣舌為嫉妒之臣所係虜耳此臣所以為國家尤戚戚

也

書奏天子還湯卒于長安按劉向谷永與育先
後上書完訟湯持論措辭各極體致故俱錄之

王嘉

字公仲平陵人為丞相封新甫侯
剛直嚴毅數諫爭後下獄不食死

請重二千石疏

臣聞聖王之功在於得人孔子曰材難不其然與故繼
世立諸侯象賢也雖不能盡賢天子為擇臣立命卿以
輔之居是國也累世尊重然後士民之衆附焉是以教

迂齋樓妨曰論
事深切達於世
變西漢末文字
惟梅福王嘉書
最好亦可以見
漢家故事

臣德宜曰慎擇
而不拘以資久
任而復寬其法
所以重二十石
備矣然有漢宣
之勵精而後有
潁川渤海之政
則表率斷自上

化行而治功立今之郡守重於古諸侯往者致選賢材

賢材難得拔擢可用者或起于囚徒昔魏尚坐事繫文

帝感馮唐之言遣使持節赦其罪拜為雲中太守匈奴

忌之武帝擢韓安國於徒中拜為梁內史骨肉以安

梁言

孝王得免罪也張敞為京兆尹有罪當免黠吏知而犯敞敞收

殺之其家自寃使者覆獄劾敞賊殺人上逮捕不下

言使

者上奏請逮捕敞而天子不下其事也會免亡命數十日宣帝徵敞拜為

冀州刺史卒獲其用前世非私此三人貪其材器有益

也

臣廷敬曰必言
養成就乃能專
重難危兩意互
見

臣乾學曰郡守
權輕不能使下
由於科條繁密
告許無禁嘉所
為總總言之也
謂宜法古慶讓
之意弘其大綱
不苛細故苟數

於公家也孝文時吏居官者或長子孫以官為氏倉氏
庫氏則倉庫吏之後也其二千石長吏亦安官樂職然
後上下相望莫有苟且之意其後稍稍變易公卿以下
傳相促急又數改更政事司隸部刺史察過悉劾發揚
陰私吏或居官數月而退送故迎新交錯道路中材苟
容求全下材懷危內顧壹切營私者多二千石益輕賤
吏民慢易之或持其微過增加成臯言於刺史司隸或
至上書章下

依其所上之章
而下今治之

衆庶知其易危小失意則

勸有方則循良
自出斯真治平
之善術乎

有離叛之心前山陽亡徒蘇令等從橫吏士臨難莫肯
仗節死義以守相威權素奪也孝成皇帝悔之下詔書

二千石不為縱

二千石不以故縱為罪所以優也

遣使者賜金尉厚其

意誠以為國家有急取辦於二千石二千石尊重難危

乃能使下孝宣皇帝愛其良民吏

良民吏善治百姓者

有章劾事

留中會赦壹解故事尚書布下章為煩擾百姓證驗繁

治或死獄中章文必有敢告之字廼下

所以丁寧告者之辭絕其相誣

也唯陛下留神于擇賢記善忘過容忍臣子勿責以備

二千石部刺史三輔縣令有材任職者人情不能不有

過差宜可閤畧令盡力者有所勸此方今急務國家之

利也前蘇令發

謂蘇令等初發起為盜賊

欲遣大夫使逐問狀時見

大夫無可使者召蓋屋令尹逢拜為諫大夫遣之今諸

大夫有材能者甚少宜豫畜養可成就者則士赴難不

愛其死臨事倉卒乃求非所以明朝廷也

嘉因薦儒者公孫光滿昌

及能吏蕭咸薛修等皆故二千石有名稱天子納而用之

遣將行邊對

息夫躬請遣大將軍行邊兵救武備斬一郡守以立威震四夷因以

厭應變異上然之以
問並相嘉嘉因對云

動民以行應天以實聖人復起無以易此兩言

臣聞動民以行不以言應天以實不以文下民微細猶不可詐況于上天神明而可欺哉天之見異所以敕戒人君欲令覺悟反正推誠行善民心說而天意得矣辯士見一端或妄以意傳著星歷虛造匈奴烏孫西羌之難謀動干戈設為權變非應天之道也守相有罪車馳詣闕交臂就死恐懼如此而談說者云動安之危辯口快耳其實未可從夫議政者苦其調諛傾險辯慧深刻

論自真徹意亦懇
惻

也調諛則主德毀傾險則下怨恨辯慧則破正道深刻
則傷恩惠昔秦穆公不從百里奚蹇叔之言以敗其師
悔過自責疾誑誤之臣思黃髮之言名垂于後世唯陛
下觀覽古戒反覆參考無以先入之語為主

日食論董賢奏

時日食舉直
言嘉奏封事

臣聞咎繇戒帝舜曰亡教佚欲有國兢兢業業一日二
日萬幾箕子戒武王曰臣無有作威作福亡有玉食臣
之有作威作福玉食害于而家凶于而國人用側頗辟

民用僭僞言如此則逆尊卑之序亂陰陽之統而害及王者其國極危國人傾仄不正民用僭差不壹此君不由法度上下失序之敗也武王躬履此道隆至成康自是以後縱心恣欲法度陵遲至於臣弑君子弑父父子至親失禮患生何況異姓之臣孔子曰道千乘之國敬事而信節用而愛人使民以時孝文皇帝備行此道海內蒙恩為漢太宗孝宣皇帝賞罰信明施與有節記人之功忽於小過以致治平孝元皇帝奉承大業溫恭少

欲都內錢四十萬萬水衡錢二十五萬萬少府錢十八萬萬嘗幸上林後宮馮貴人從臨獸園猛獸驚出貴人前當之元帝嘉美其義賜錢五萬掖庭見親有加賞賜屬其人勿衆謝示平惡偏重失人心賞賜節約是時外戚費千萬者少耳故少府水衡見錢多也雖遭初元永光凶年饑饉加有西羌之變外奉師旅內振貧民終無傾危之憂以府臧內充實也孝成皇帝時諫臣多言燕出之害燕出謂微行也及女寵專愛耽于酒色損德傷年其言

甚切然終不怨怒也寵臣淳于長張放史育育數貶退

家賢不滿千萬放斥逐就國長榜死于獄

榜音彭也

不

以私愛害公義故雖多內譏朝廷安平傳業陛下陛下

在國之時好詩書上儉節徵來所過道上稱誦德美此

天下所以同心也初即位易帷帳去錦繡乘輿席緣綈

繒而已共皇寢廟比比當作

恭皇哀帝父定陶恭皇也比比猶云頻頻也

憂

閔元元惟用度不足

惟思也

以義割恩輒且止息今始作

治而駙馬都尉董賢亦起官寺上林中又為賢治大第

開門鄉北闕引王渠灌園池

渠名也在城東覆盎門外

使者護作賞

賜吏卒甚於治宗廟賢母病長安廚給祠具

長安有廚官主為官

食道中過者皆飲食為賢治器器成奏御廼行或物好

特賜其工自貢獻宗廟三宮猶不至此

三宮天子太后皇后

賢家

有嬪婚及見親諸官並共

見親親戚相見也並供言百官各以所掌事及財物就供

之口共讀曰供

賜及倉頭奴婢人十萬錢使者護視發取市物

百賈震動道路謹詳羣臣惶惑詔書罷苑而以賜賢二

千餘頃均田之制從此墮壞

自公卿以下至于吏民名均田皆有頃數以品制

水心葉適曰慎已之所獨鄉察

中令均等奢借放縱變亂陰陽灾異衆多百姓訛言持

衆人之所共起可謂名言矣漢

籌相驚言行西王母籌也被髮徒跣而走乘馬者馳天惑其意

人之能言者往往不及也觀嘉

不能自止或以為籌者策失之戒也陛下素仁智慎事

明宥治體愛惜人材使其遇時

今而有此大譏孔子曰危而不持顛而不扶則將安用

魏丙何足道自當為漢世宰相

彼相矣臣嘉幸得備位竊內悲傷不能通愚忠之信身

第一

死有益於國不敢自惜唯陛下慎已之所獨鄉察衆人

之所共疑往者寵臣鄧通韓嫣媽音驕貴失度逆豫無

臣美曰論董賢事極詳盡愛之

厭小人不勝情欲卒臨罪辜亂國亡軀不終其祿所謂

適足以害之達
識名古

文無枝詞較日食
奏更為勁切

愛之適足以害之者也宜深覽前世以節賢寵全安其
命帝覽奏不說而愈
愛賢不能自勝

再論董賢奏

哀帝託傳太后遺詔益封董賢
二千戶嘉封還詔書復奏封事

臣聞爵祿土地天之有也書云天命有德五服五章哉
王者代天爵人尤宜慎之裂地而封不得其宜則衆庶
不服感動陰陽其害疾自深今聖體久不平此臣嘉所
內懼也高安侯賢佞幸之臣陛下傾爵位以貴之單貨
財以富之損至尊以寵之主威以黜府臧以竭唯恐不

西山真德秀曰
嘉以直言忤旨
得譴然猶下厚
臣公卿議其罪
此漢世良法然
觀當時所議惟
冀勝謂薦相等
罪微不應連國
之法然終不敢
明其忠況他人
乎自嘉死後羣
臣暗啞無復敢
開口論事者遂
成新林之暴悲

足財皆民力所為孝文皇帝欲起露臺重百金之費克
已不作今賢散公賦以施私惠一家至受千金往古以
來貴臣未嘗有此流聞四方皆同怨之里諺曰千人所
指無病而死臣常為之寒心今太皇太后以永信太后
遺詔詔丞相御史益賢戶賜三侯國孔鄉侯傅晏汝昌侯傅商陽新侯鄭
業臣嘉竊惑山崩地動日食于三朝歲月日皆陰侵陽
之戒也前賢已再封晏商再易邑業緣私橫求恩已過
厚求索自恣不知厭足甚傷尊尊之義不可以示天下

為害痛矣臣驕侵罔陰陽失節氣感相動害及身體陛下寢疾久不平繼嗣未立宜思正萬事順天人之心以求福祐奈何輕身肆意不念高祖之勤苦垂立制度欲傳之於無窮哉孝經曰天子有爭臣七人雖無道不失其天下臣謹封上詔書不敢露見非愛死而不自法恐天下聞之故不敢自效愚戇數犯忌諱惟陛下省察

毋將隆

字君房東海蘭陵人哀帝時為京兆尹左遷南郡太守尋免官徙合浦

諫賜武庫兵器奏

時上使中黃門發武庫兵前後十輩送董賢及上乳母王

阿舍隆
上奏

問確不繫而意已
獨至

守漢王鑒曰此
奏詞嚴而理正

武庫兵器天下公用國家武備繕治造作皆度大司農
錢用度皆出大司農大司農錢自乘輿不以給共養共養勞賜
壹出少府蓋不以本臧給末用不以民力共浮費別公
私示正路也古者諸侯方伯得顯征伐廼賜斧鉞漢家
邊吏職在距寇亦賜武庫兵器皆任其事然後蒙之春秋
之誼家不臧甲所以抑臣威損私力也今賢等便僻弄
臣私恩微妾而以天下公用給其私門契國威器共其

家傳

契缺也

民力分於夷臣武兵設於微妾建立非宜以

廣驕僭非所以示四方也孔子曰奚取於三家之堂臣

請收還武庫

師丹

字仲公琅邪東武人哀帝時為大司空封高樂侯

定陶共王立廟議

時郎中令冷褒黃門郎段熲等復奏言定陶共皇太后共

皇后皆不宜復引定陶藩國之名以冠大號又宜為共皇立廟京師上下其議丹議云

議甚正復世漢議興獻議皆當以此

為準

聖王制禮取法於天地故尊卑之禮明則人倫之序正人倫之序正則乾坤得其位而陰陽順其節人主與萬

遵嚴王慎中曰
丹議侃侃然砥
柱中流可謂獨
立不懼者

民俱蒙祐福尊卑者所以正天地之位不可亂也今定
陶共皇太后共皇后以定陶共皇為號者母從子妻從
夫之義也欲立官置吏車服與太皇太后並非所以明
尊卑亡二上之義也定陶共皇號謚已前定義不得復
改禮父為士子為天子祭以天子其尸服以士服子亡
爵父之義尊父母也為人後者為之子故為所後服斬
衰三年而降其父母期明尊本祖而重正統也孝成皇
帝聖恩深遠故為共王立後奉承祭祀令共皇長為一國

太祖萬世不毀恩義已備陛下既繼體先帝持重大宗
承宗廟天地社稷之祀義不得復奉定陶共皇祭入其
廟今欲立廟於京師而使臣下祭之是無主也又親盡
當毀空去一國太祖不墮之祀而就無主當毀不正之
禮非所以尊厚共皇也

丹由是浸不合
上意尋策免

李尋

字子長平陵人治尚書好洪範災異又學
天文月令陰陽衰帝初召尋侍詔黃門

災異對

時帝使侍中衛尉傳喜問尋曰聞者水
出地動日月失度星辰亂行災異仍重

極言毋
有所諱

篇中援引雖繁其
切於治術處固是
正論

陛下聖德尊天敬地畏命重民悼懼變異不忘疏賤之
臣幸使重臣臨問愚臣不足以奉明詔竊見陛下新即
位開大明除忌諱博延名士庶不並進臣尋位卑銜淺
過隨衆賢待詔食太官衣御府久汙玉堂之署玉堂殿在未央
宮比得召見亡以自效復時見延問至誠自以逢不世
出之命願竭愚心不敢有所避庶幾萬分有一可采唯
棄須臾之間宿留瞽言考之文理稽之五經揆之聖意
以參天心夫變異之來各應象而至臣謹條陳所聞易

臣鴻緒曰詳析
災異機切時政
論議皆有根柢
非但星厯家言

曰縣象著明莫大乎日月夫日者衆陽之長輝光所燭
萬里同晷景也人君之表也故日將旦清風發羣陰伏
君以臨朝不牽於色日初出炎以陽君登朝佞不行忠
直進不蔽障日中輝光君德盛明大臣奉公日將入專
以壹君就房有常節君不修道則日失其度晡昧亡光
各有云為其於東方作日初出時陰雲邪氣起者法為
牽于女謁有所畏難日出後為近臣亂政日中為大臣
欺誣日且入為妻妾役使所營間者日尤不精光明侵

奪失色邪氣珥蛻數作本起於晨相連至昏其日出後
至日中間差瘡小臣不知內事竊以日視陛下志操衰
於始初多矣其咎恐有以守正直言而得罪者傷嗣害
世不可不慎也唯陛下執乾剛之德強志守度毋聽女
謁邪臣之態諸保阿乳母甘言悲辭之託斷而勿聽勉
強大誼絕小不忍良有不得已可賜以財貨不可私以
官位誠皇天之禁也日失其光則星辰放流陽不能制
陰陰桀得作問者太白正晝經天宜隆德克躬以執不

軌臣聞月者衆陰之長銷息見伏百里為品千里立表

萬里連紀

品同也言百里內數度同也千里則當立表度其景萬里則繼其本所起紀其宿度也

妃后大臣諸侯之象也朔晦正終始弦為繩墨望成君

德春夏南秋冬北間者月數以春夏與日同道

房有四星其間

有三道春夏南行南頭第一星裏道也秋冬北行北頭第一星裏道也與日同道者謂中央道也此三道者日月五星之所由也過軒轅上后受氣

軒轅南大星為后

入太微帝廷揚

光輝犯上將近臣列星皆失色厭厭如滅

厭音

此為母

后與政亂朝陰陽俱傷兩不相便外臣不知朝事竊信

臣乾學曰天事
恒象感應之理
可信不誣漢人
專家之學尤為
精密歐陽諸公
欲盡廢之誠為
高明之過宜為
胡文定所斥也

天文即如此近臣已不足杖矣屋大柱小可為寒心唯
陛下親求賢士無強所惡以崇社稷尊彊本朝臣聞五
星者五行之精五帝司命應王者號令為之節度歲星
主歲事為統首號令所紀今失度而盛此君指意欲有
所為未得其節也又填星不避歲星者后帝共政相留
於奎婁歲星為帝填星為女主也當以義斷之熒惑往來亡常周歷
兩宮作態低昂兩宮謂紫微太微入天門上明堂貫尾亂宮兩角
星為天門房為後宮太白發越犯庫發越疾貌庫天庫也奎為天庫兵寇之

應也貫黃龍入帝庭

黃龍軒轅也

當門而出隨熒惑入天門

至房而分欲與熒惑為患不敢當明堂之精此陛下神

靈故禍亂不成也熒惑厥弛

厥弛動搖貌

佞巧依勢微言毀

譽進類蔽善太白出端門

端門太微正南門

臣有不臣者火入

室金上堂

火入室謂熒惑厯兩宮也金謂太白也上堂入房星也

不以時解其憂

凶填歲相守又主內亂宜察蕭牆之內毋忽親疎之微

誅放佞人防絕萌芽以盪滌濁濊消散積惡毋使得成

禍亂辰星主正四時當效於四仲四時失序則辰星作

異今出於歲首之孟天所以謹告陛下也政急則出蚤

政緩則出晚政絕不行則伏不見而為彗弗

弗與字同

四孟

皆出為易王命四季皆出星家所諱今幸獨出寅孟之

月蓋皇天所以篤右陛下也宜深自改治國故不可以

戚戚欲速則不達經曰三載考績三考黜陟加以號令

不順四時既往不咎來事之師也間者春三月治大獄

時賊陰立逆恐歲小收季夏舉兵法時寒氣應恐後有

霜電之災秋月行封爵其月土溼與

達于月令也與溫也○與于六反

臣士奇曰世談
漢儒惑於災異
董仲舒亦不免
如龔奉李尋未
詭不激俱歸於
正故不同於術
家

恐後有雷電之變夫以喜怒賞罰而不顧時禁雖有堯
舜之心猶不能致和善言天者必有效於人設上農夫
而欲冬田肉袒深耕汗出種之然猶不生者非人心不
至天時不得也易曰時止則止時行則行動靜不失其
時其道光明書曰敬授民時故古之王者尊天地重陰
陽敬四時嚴月令順之以善政則和氣可立致猶枹鼓
之相應也枹擊鼓之椎也○音孚今朝廷忽于時月之令諸侍中
尚書近臣宜皆令通知月令之意設羣下請事若陛下

出令有謬於時者當知爭之以順時氣臣聞五行以水

為本其星玄武嫫女天地所紀終始所生

嫫女須女也北方天地之

統陰陽之終始也

水為準平王道公正修明則百川理落脉通

落謂經絡也

偏黨失綱則踊溢為敗書云水曰潤下陰動而

卑不失其道天下有道則河出圖洛出書故河洛決溢

所為最大今汝潁畎澮皆川水漂踊與雨水並為民害

畎澮小流也廣尺深尺曰畎廣二尋深二仞謂之澮川者水貫穿而通流也

此詩所謂燧燧

震電不寧不令百川沸騰者也其咎在於皇甫卿士之

屬皇甫卿士周室女寵之族也

唯陛下留意詩人之言少抑外親大

臣臣聞地道柔靜陰之常義也地有上中下其上位震應妃后不順中位應大臣作亂下位庶民離畔震或于其國國君之咎也四方中央連國歷州俱動者其異最大間者關東地數震五星作異亦未大逆宜務崇陽抑陰以救其咎固志建威閉絕私路拔進英雋退不任職以彊本朝夫本彊則精神折衝本弱則招殃致凶為邪謀所陵間往者淮南王作謀之時其所難者獨有汲黯

以為公孫弘等不足言也弘漢之名相於今亡比而尚見輕何況亡弘之屬乎故曰朝廷亡人則為賊亂所輕其道自然也天下未聞陛下奇策固守之臣也語曰何

以知朝廷之哀人人自賢不務于通人故世陵夷

通人謂薦

達賢材也

馬不伏歷不可以趨道士不素養不可以重國

伏歷

謂伏槽檻而秣之也

詩曰濟濟多士文王以寧

大雅文王之詩

孔子曰十

室之邑必有忠信非虛言也陛下秉四海之衆曾亡柱幹之固守聞于四境殆聞之不廣取之不明勸之不篤

傳曰土之美者善養禾君之明者善養士中人皆可使
為君子詔書進賢良赦小過無求備以博聚英雋如近
世貢禹以言事忠切蒙尊榮當此之時士厲身立名者
多禹死之後日日以哀及京兆尹王章坐言事誅滅智
者結舌邪偽並興外戚顓命君臣隔塞至絕繼嗣女宮
作亂謂趙飛燕姊妹也此行事之敗誠可畏而悲也本在積任
母后之家非一日之漸往者不可及來者猶可追也先
帝大聖深見天意昭然使陛下奉承天統欲矯正之也

宜少抑外親選練左右舉有德行道術通明之士充備
天官然後可以輔聖德保帝位承大宗下至郎吏從官
行能亡以異又不通一藝及博士無文雅者宜皆使就
南畝以視天下明朝廷皆賢材君子於以重朝尊君滅
凶致安此其本也臣自知所言害身不辟死亡之誅唯
財留神反覆愚臣之言

上雖不從尋言然采其
語每有非常輒問尋

鮑宣

字子都渤海高城人好學明經哀帝時為諫
大夫拜司隸抵罪王莽秉政惡漢忠直臣不

附已者
宣坐死

直而不抗質而無飾故辭無極於過激也

諫寵外親幸臣書

宣每居位常諫爭其言少文多實時丁傅子弟並進董賢

貴幸宣上書諫

竊見孝成皇帝時外親持權人人牽引所私以充塞朝廷妨賢人路濁亂天下奢泰亡度窮困百姓是以日蝕且十彗星四起危亡之徵陛下所親見也今奈何反覆劇於前乎朝臣亡有大儒骨鯁白首耆艾魁壘之士魁壘壯貌論議通古今喟然動衆心憂國如饑渴者臣未見也敦外親小童及幸臣董賢等在公門省戶下陛下欲與

荆川唐順之曰
此等文字是皆
直寫胸中所見
而非有意於為
文者也然其文
亦自勁健

此其承天地安海內甚難

共讀曰恭

今世俗謂不智者為能

謂智者為不能皆堯放四罪而天下服今除一吏而衆皆惑

古刑人尚服今賞人反惑請寄為姦

請寄謂以事私相託也

韋小日進

國家空虛用度不足民流亡去城郭盜賊並起吏為殘賊歲

增於前凡民有七亡

亡謂失其作業

陰陽不和水旱為災一亡

也縣官重責更賦租稅二亡也

更謂為更卒也

貪吏並公受取

不已三亡也

並依也○步浪反

豪强大姓蠶食亡厭四亡也苛

吏繇役失農桑時五亡也部落鼓鳴男女遮迤六亡也

守溪王鑒曰七
亡七死曲盡流
離困苦之狀十
載之後讀之令
人酸鼻

述古列字言聞桴鼓之聲以為
有盜賊皆當遮列而追捕也

盜賊劫畧取民財物七

亡也七亡尚可又有七死酷吏毆殺一死也治獄深刻
二死也冤陷亡辜三死也盜賊橫發四死也怨讐相殘
五死也歲惡飢餓六死也時氣疾疫七死也民有七亡
而無一得欲望國安誠難民有七死而無一生欲望刑
措誠難此非公卿守相貪殘成化之所致邪羣臣幸得
居尊官食重祿豈有肯加惻隱于細民助陛下流教化
者邪志但在營私家稱賓客為姦吏而已

務稱賓客
以求也

苟容曲從為賢以拱默尸祿為智謂如臣宣等為愚陛

下擢臣巖穴誠冀有益豪毛豈徒欲使臣美食大官重

高門之地哉

高門殿名也

天下乃皇天之天下也陛下上為

皇天子下為黎庶父母為天牧養元元視之當如一合

尸鳩之詩

尸鳩曹風之篇

今貧民菜食不厭衣又穿空

空孔也父

子夫婦不能相保誠可為酸鼻陛下不救將安所歸命

乎奈何獨私養外親與幸臣董賢多賞賜以大萬數使

奴從賓客漿酒霍肉

視酒如漿視肉如霍也霍豆菜

蒼頭廬兒皆用致

水憲劉及益曰
自劉輔以誅大
夫論免新自是
諫官無聞焉宣
請賢董賢用喜
武辭詰劉切可

謂無規其職矣

富非天意也

漢名奴為蒼頭諸給殿中者所居為盧蒼頭侍從因呼為盧兜

及汝昌侯

傅商亡功而封夫官爵非陛下之官爵乃天下之官爵

也陛下取非其官官非其人而望天說民服豈不難哉

方陽侯孫寵宜陵侯息夫躬辨足以移衆強可用獨立

姦人之雄或世尤劉者也

或與惑同

宜以時罷退及外親幼

童未通經術者皆宜令休就師傅急徵故大司馬傅喜

使領外親故大司空何武師丹故丞相孔光故左將軍

彭宣經皆更博士位皆歷三公智謀威信可與建教化

臣杜訥曰誠懇
之至不自覺其
言之沉痛與招
撫得詞者相去
遠矣

圖安危鑿勝為司直郡國皆慎選舉三輔委輸官不敢

為姦

委輸謂輸委積者也

可大委任也陛下前以小不忍退武等

海內失望陛下尚能容亡功德者甚衆曾不能忍武等

邪治天下者當用天下之心為心不得自專快意而已

也上之皇天見譴下之黎庶怨恨次有諫爭之臣陛下

苟欲自薄而厚惡臣天下猶不聽也臣雖愚戇獨不知

多受祿賜美食大官廣田宅厚妻子不與惡人結仇怨

以安身邪誠迫大義官以諫爭為職不敢不竭愚惟陛

辭尚質樸意存伉
直所謂布帛菽粟
之文可濟實用者
也

下少留神明覽五經之文原聖人之至意深思天地之

戒臣宣訥鈍於辭不勝惓惓盡死節而已

上以宣名
儒優容之

論董賢書

陛下父事天母事地子養黎民即位已來父虧明母震

動子訖言相驚恐今日蝕於三始

三始猶
言三朝

誠可畏懼小

民正月朔日尚恐毀敗器物何況於日虧乎陛下深內

自責避正殿舉直言求過失罷退外親及旁仄素餐之

人徵拜孔光為光祿大夫發覺孫寵息夫躬過惡免官

東發黃震曰哀
帝時丁傳並進
董賢貴幸鮑宣
反覆切諫雖昏
如哀帝亦為感
動不誠而能若
是乎莽雖以其
不附已誅之宣
蓋死有餘榮矣

遣就國衆庶歛然莫不說喜天人同心人心悅則天意
解矣乃二月丙戌白虹虹日連陰不雨軒音干此天有憂
結未解民有怨望未塞者也侍中駙馬都尉董賢本無
葭莩之親但以令色諛言自進賞賜亡度竭盡府臧并
合三第尚以為小復壞暴室賢父子坐使天子使者將
作治第行夜吏卒皆得賞賜上冢有會輒太官為供海
內貢獻當養一君今反盡之賢家豈天意與民意邪天
不可久負厚之如此反所以害之也誠欲哀賢宜為謝

過天地解讐海內免遣就國收乘輿器物還之縣官如
此可以父子終其性命不者海內之所仇未有得久安
者也孫寵息夫躬不宜居國可皆免以視天下復徵何
武師丹彭宣傳喜曠然使民易視以應天心建立大政
以興太平之端高門去省戶數十步求見出入二年未

省欲使海瀕仄陋自通遠矣願賜數刻之間

刻漏刻也
間空隙

極竭翬翬之思

翬翬蒙也謹
應貌○音沐

退入三泉死亡所恨

上感

天異納宣言徵何武彭
宣旬月皆復為三公

揚雄

字子雲蜀郡成都人好學不為章句訓詁通而已博覽無所不見嘗好辭賦成帝時待詔

承明之庭屢奏賦以風勸除為郎給事黃門王莽篡位以久次為大夫

諫不受單于朝書

哀帝建平四年烏珠留單于上書願朝公卿以為虛費府

帑可且勿許
雄上書諫

文法而暢意婉而周

臣聞六經之治貴于未亂兵家之勝貴于未戰二者皆微然而大事之本不可不察也今單于上書求朝國家不許而辭之臣愚以為漢與匈奴從此隙矣本北地之狄五帝所不能臣三王所不能制其不可使隙甚明臣

致堂胡寅曰帝王於中國無事時鮮不欲開闢土地行師荒外服前代所不能服以為一時駿功若漢武之於西北行師三十餘年卒不得如意至于宣元成哀平無意武功者乃坐享其成哀平之世漢已衰矣匈奴烏孫

不敢遠稱請引秦以來明之以秦始皇之彊蒙恬之威

帶甲四十餘萬然不敢窺西河迺築長城以界之會漢

初興以高祖之威靈三十萬衆困于平城士或七日不

食時奇謫之士石畫之臣甚衆

石言堅固如石也

卒其所以脫

者世莫得而言也又高皇后嘗忿匈奴羣臣庭議樊噲

請以十萬衆橫行匈奴中季布曰噲可斬也妄阿順指

於是大臣權書遺之

以權道為書順辭以答之

然後匈奴之結解中

國之憂平及孝文時匈奴侵暴北邊候騎至雍甘泉京

猶不廢禮西域
佩印五十餘石
雖曰中國崇觀
譬猶大木枝葉
尚茂而蠹生心
腹根幹將顛矣
是故聖王專務
治內以固其本
不動遠畧而忽
邇國其慮遠矣

師大駭發三將軍屯細柳棘門霸上以備之數月廼罷
孝武即位設馬邑之權欲誘匈奴使韓安國將三十萬
衆徼於便墜

徼要也墜古地
字○徼工堯反

匈奴覺之而去徒費財勞

師一虜不可得見況單于之面乎其後深惟社稷之計
規恢萬載之策廼大興師數十萬使衛青霍去病操兵
前後十餘年於是浮西河絕大幕破窳顏襲王庭窮極
其地追奔逐北封狼居胥山禪于姑衍以臨翰海虜名
王貴人以百數自是之後匈奴震怖並求和親然而未

肯稱臣也且夫前世豈樂傾無量之費役無罪之人快

心於狼望之北哉

匈奴地名也

以為不壹勞者不久佚不暫

費者不永寧是以忍百萬之師以摧餓虎之喙運府庫

之財填廬山之壑而不悔也

廬山匈奴中山也

至本始之初匈奴

奴有桀心欲掠烏孫侵公主廼發五將之師十五萬騎

獵其南而長羅侯

常惠

以烏孫五萬騎震其西皆至質而

還

質信也謂所期處

時鮮有所獲徒奮揚威武明漢兵若雷風

耳雖空行空反尚誅兩將軍

祁連將軍田廣明坐追逼虎牙將軍田順坐詐增鹵

獲皆下獄自殺故北狄不服中國未得高枕安寢也逮至元康

神爵之間大化神明鴻恩溥洽而匈奴內亂五單于爭

立日逐呼韓邪攜國歸死扶伏稱臣然尚羈縻之計不

顯制

顯制謂以爲臣妾也

自此之後欲朝者不距不欲者不强何

者外國天性忿鷙形容魁健負力怙氣難化以善易隸

以惡其強難誅其和難得故未服之時勞師遠攻傾國

殫貨伏尸流血破堅拔敵如彼之難也既復之後慰薦

撫循交接賂遺威儀俯仰如此之備也往時嘗屠大宛

臣士奇曰老成
速識文特奇麗

之城蹈烏桓之壘探姑繒之壁

姑繒西南夷種在益州

籍蕩姐之

場

羌屬也藉蹈也。姐音紫

父朝鮮之旃拔兩越之旗

父讀曰刈絕也

近不

過旬月之役遠不離二時之勞

離歷也三個月為一時

固已犁其庭

掃其閭

犁耕也

郡縣而置之雲徹席卷後無餘苗唯北狄

為不然真中國之堅敵也三垂比之懸矣前世重之茲

甚未易可輕也今單于歸義懷款誠之心欲離其庭陳

見於前此廼上世之遺策神靈之所希望國家雖費不

得已者也奈何距以來厭之詞踈以無日之期消往昔

之恩開將來之隙夫歟而隙之使有恨心負前言緣往

辭

言單于因緣往昔和好之辭以怨嘆也

歸怨于漢因以自絕終無北面

之心威之不可諭之不能焉得不為大憂乎夫明者視於無形聽者聽於無聲誠先于未然即蒙恬樊噲不復施棘門細柳不復備馬邑之策安所設衛霍之功

何得用五將之威安所震不然壹有隙之後雖智者勞心於內辯者穀擊於外猶不若未然之時也且往者圖西域制車師置城郭都護三十六國費歲以大萬計者

豈為康居烏孫能踰白龍堆而寇西邊哉

龍堆在西域中廼以

制匈奴也夫百年勞之一日失之費十而愛一臣竊為國不安也唯陛下少留意於未亂未戰以遏邊萌之禍

書奏天子寤焉報單于書而許之

劉歆

字子駿成帝時為黃門郎哀帝河平中受詔與父向領校秘書歷遷騎都尉奉車光祿大

夫後歷郡守莽篡位為國師

毀廟議

哀帝即位丞相孔光等奏言宗廟迭毀之次當以時定光祿勳彭宣等皆以為

孝武皇帝雖有功烈親盡宜毀歆與太僕王舜同上議

引據論議卓爾不
羣洵可謂博而篤
矣

叔皮班彪曰考
觀諸儒之議論
歆博而篤矣

臣聞周室既衰四夷並侵獫狁最強於今匈奴是也至
宣王而伐之詩人美而頌之曰薄伐獫狁至于太原又
曰嘽嘽推推如霆如雷顯允方叔征伐獫狁荆蠻來威
小雅采芑之詩故稱中興及至幽王犬戎來伐殺幽王取宗器

自是之後南夷與北夷交侵中國不絕如綫春秋紀齊
桓南伐楚北伐山戎孔子曰微管仲吾其被髮左衽矣
是故弃桓之過而錄其功以為伯首及漢興冒頓始彊
破東胡禽月氏并其土地廣兵彊為中國害南越尉

佗總百粵自稱帝故中國雖平猶有四夷之患且無寧
歲一方有急三面救之是天下皆動而被其害也孝文
皇帝厚以貨賂與結和親猶侵暴無已甚者興師十餘
萬衆近屯京師及四邊歲發屯備虜其為患久矣非一
世之漸也諸侯郡守連匈奴及百粵以為逆者非一人
也匈奴所殺郡守都尉畧取人民不可勝數孝武皇帝
愍中國罷勞無安寧之時乃遣大將軍驃騎伏波樓船
之屬南滅百粵起七郡北攘匈奴降昆邪十萬之衆置

五屬國起朔方以奪其肥饒之地東伐朝鮮起玄菟樂浪以斷匈奴之左臂西伐大宛并三十六國結烏孫起敦煌酒泉張掖以鬲婼羌裂匈奴之右肩

婼音而遮反

單于

孤特遠適于幕北四垂無事斥地遠境起十餘郡

斥開也遠

廣也功業既定廼封丞相為富民侯以大安天下富貴百

姓其規撫可見又招集天下賢俊與協心同謀興制度改正朔易服色立天地之祠建封禪殊官號存周後定諸侯之制永無逆爭之心至今累世賴之單于守藩百

臣執學曰王通氏論七制之主三代齊稱漢世幅員至孝武而始定功尤不可泯也舊金堂構其異槐焉此議足以上成宣帝之孝思矣

蠶朕從萬世之基也中興之功未有高焉者也高帝建大業為太祖孝文皇帝德至厚也為文太宗孝武皇帝功至著也為武世宗此孝宣帝所以發德音也禮記王制及春秋穀梁傳天子七廟諸侯五大夫三士二天子七日而殯七月而葬諸侯五日而殯五月而葬此喪事尊卑之序也與廟數相應其文曰天子三昭三穆與太祖之廟而七諸侯二昭二穆與太祖之廟而五故德厚者流光德薄者流卑春秋左氏傳曰名位不同禮亦異

數自上以下降殺以兩禮也七者其正法數可常數者

也宗不在此數中宗變也

言非常數故云變也

苟有功德則宗之

不可預為設數故於殷太甲為太宗太戊曰中宗武丁

曰高宗周公為母逸之戒舉殷三宗以勸成王繇是言

之宗無數也然則所以勸帝者之功德博矣以七廟言

之孝武皇帝未宜毀以所宗言之則不可謂無功德禮

記祀典曰夫聖王之制祀也功施于民則祀之以勞定

國則祀之能救大災則祀之竊觀孝武皇帝功德皆兼

而有焉凡在於異姓猶將特祀之況于先祖或說天子
五廟無見文又說中宗高宗者宗其道而毀其廟名與
實異非尊德貴功之意也詩云蔽芾甘棠勿剪勿伐邵

伯所爰

召南甘棠之詩

思其人猶愛其樹況宗其道而毀其廟

乎迭毀之禮自有常法無殊功異德固以親疏相推及
至祖宗之序多少之數經傳無明文至尊至重難以疑
文虛說定也孝宣皇帝舉公卿之議用衆儒之謀既以
為世宗之廟建之萬世宣布天下臣愚以為孝武皇帝

功烈如彼孝宣皇帝崇立之如此不宜毀

上覽其議而從之

責讓太常博士書

欲建立左氏春秋及毛詩逸禮古文尚書皆列于學官

哀帝令歆與五經博士講論其義諸博士或不肯置對歆因移書責讓之

辭理明確有功經學之文

昔唐虞既衰而三代迭興聖帝明王累起相襲其道甚著周室既微而禮樂不正道之難全也如此是故孔子憂道之不行歷國應聘自衛反魯然後樂正雅頌乃得其所修易序書制作春秋以紀帝王之道及夫子沒而微言絕七十子終而大義乖重遭戰國棄籙豆之禮理

西山真德秀曰
觀此書則漢於
六經殘缺之餘
收拾補完其功
亦不可少

軍旅之陳孔子之道抑而孫吳之術興陵夷至于暴秦
燔經書殺儒士設挾書之法行是古之罪道術由是遂
滅漢興去聖帝明王遐遠仲尼之道又絕法度無所因
襲時獨有一叔孫通畧定禮儀天下唯有易卜未有它
書至孝惠之世乃除挾書之律然公卿大臣絳灌之屬
咸介胄武夫莫以為意至孝文皇帝始使掌故朝錯字故
官名從伏生受尚書尚書初出於屋壁朽折散絕今其
書見在時師傳讀而已詩始萌芽古若草木之初生天下衆書

往往頗出皆諸子傳說猶廣立于學官為置博士在漢朝之儒唯賈生而已

謂賈誼

至孝武皇帝然後鄒魯梁趙

頗有詩禮春秋先師皆起于建元之間當此之時一人不能獨盡其經或為雅或為頌相合而成秦誓後得博士集而讀之故詔書稱曰禮壞樂崩書缺簡脫朕甚閔焉時漢興已七八十年離於全經固已遠矣及魯恭王壞孔子宅欲以為宮而得古文於壞壁之中逸禮有三十九書十六篇天漢之後孔安國獻之遭巫蠱倉卒之

迂齋樓昉曰辨
雖攻擊之體峻

難未及施行及春秋左氏丘明所修皆古文舊書多者
二十餘通臧於秘府伏而未發孝成皇帝閑學殘文缺
稍離其真乃陳發秘藏校理舊文得此三事以考學官
所傳經或脫簡傳或間編脫簡遺失之間編謂舊編爛
絕就更次之前後錯亂也○

間古
覓反

傳問民間則有魯國桓公趙國貫公膠東庸生之

遺學與此同抑而未施此乃有識者之所惜閔士君子
所嗟痛也往者綴學之士不思廢絕之關苟因陋就寡
分文析字煩言碎辭學者罷老且不能究其一藝信口

臣廷敬曰終兩
漢之世不立左
氏春秋學光武
常採陳元之言
置博士旋以衆
議不同而罷則
諸儒專已守殘
好同惡異之過
也

說而背傳記是末師而非往古至於國家將有大事若
立辟雍封禪巡狩之儀則幽冥而莫知其原猶欲保殘
守缺挾恐見破之私意而無從善服義之公心或懷妒
嫉不考情實雷同相從隨聲是非抑此三學以尚書為
備當時學者謂尚書唯有二十八篇不知本有百篇也謂左氏為不傳春秋豈不
哀哉今聖上德通神明繼統揚業亦閔文學錯亂學士
若茲雖昭其情猶依違謙讓樂與士君子同之故下明
詔試左氏可立不遣近臣奉指銜命將以輔弱扶微與

二三君子比意同力冀得廢遺今則不然深閉固距而

不肯試猥以不誦絕之

猥苟也苟不誦習之而欲絕去此學

欲以杜塞餘

道絕滅微學夫可與樂成難與慮始此乃衆庶之所為

耳非所望士君子也且此數家之事皆先帝所親論今

上所考視其古文舊書皆有徵驗外內相應豈苟而已

哉夫禮失求之於野古文不猶愈於野乎往者博士書

有歐陽春秋公羊易則施孟然孝宣皇帝猶復廣立穀

梁春秋梁丘易大小夏侯尚書義雖相反猶並置之何

則與其過而廢之也寧過而立之

過猶誤

傳曰文武之道

未墜於地在人賢者志其大者不賢者志其小者今此數家之言所以兼包大小之義豈可偏絕哉若必專已

守殘

專執已所偏見苟守殘缺之文也

黨同門妒道真

黨同師之學妒道藝之真也

違明詔失聖意以陷於文吏之議甚為二三君子不取也

賈讓

哀帝時待詔

治河奏

哀帝時博求能浚川疏河者莫有應書讓奏言

治河之法古今典
宜語其大者三策
盡之矣

治河有上中下策古者立國居民疆理土地必遺川澤

之分度水勢所不及大川無防小水得入陂障卑下以

為汙澤

停水曰汙

使秋水多得有所休息左右游波寬緩而

不迫夫土之有川猶人之有口也治土而防其川猶止

兒啼而塞其口豈不遽止然其死可立而待也故曰善

為川者決之使道善為民者宣之使言蓋隄防之作近

起戰國雍防百川各以自利齊與趙魏以河為境趙魏

瀕山齊地卑下

瀕山猶言以山為邊界也

作隄去河二十五里河水

臣鴻緒曰治河
策自漢以後所
勢大異然其議
論條達數陳弘
暢自是名臣章
奏

東抵齊隄則西泛趙魏趙魏亦為隄去河二十五里雖
非其正水尚有所遊盪時至而去則填淤肥美民耕田
之或久無害稍築室宅遂成聚落大水時至漂沒則更
起隄防以自救稍去其城郭排水澤而居之湛溺自其
宜也今隄防陜者去水數百步遠者數里近黎陽南故
大金隄從河西北行至西山南頭迺折東與東山相
屬民居金隄東為廬舍住十餘歲更起隄從東山南頭
直南與故大隄會又內黃界中有澤方數十里環之有

隄往十餘歲太守以賦民

以隄中之地給與民

民今起廬舍其中

此臣親所見者也東郡白馬故大隄亦復數重民皆居其間從黎陽北盡魏界故大隄去河遠者數十里內亦

數重此皆前世所排也河從河內北至黎陽為石隄激

使東抵東郡平剛

激者聚石于隄旁衝要之處所以激去其水也

又為石隄使

西北抵黎陽觀下

觀縣名也

又為石隄使東北抵東郡津北

又為石隄使西北抵魏郡昭陽又為石隄激使東北百餘

里間河再西三東迫阨如此不得安息今行上策徒冀

州之民當水衝者決黎陽遮害亭放河使北入海河西
薄大山東薄金隄勢不能遠泛濫期月自定難者將曰
若如此敗壞城郭田廬冢墓以萬數百姓怨恨昔大禹
治水山陵當路者毀之故鑿龍門辟伊闕辟讀曰闕析底柱
破碣石析分也墮斷天地之性此廼人功所造何足言也

今瀕河十郡治隄歲費且萬萬及其大決所殘無數如
出數年治河之費以業所徙之民遵古聖之法定山川
之位使神人各處其所而不相奸奸音干且以大漢方制

臣英曰賈讓雖
陳三策觀其叙
述有詳畧命意
亦多在中策耳
故後代率用之

萬里豈其與水爭咫尺之地哉此功一立河定民安千
載無患故謂之上策若廼多穿漕渠於冀州地使民得
以溉田分殺水怒雖非聖人法然亦救敗術也難者將
曰河水高於平地歲增隄防猶尚決溢不可以開渠臣
竊按視遮害亭西十八里至淇水口廼有金隄高一丈
自是東地稍下隄稍高至遮害亭高四五丈往五六歲
河水大盛增大七尺壞黎陽南郭門入至隄下

謂水從
郭南門

入北門出
而至隄也

水未踰隄二尺所從隄上北望河高出民屋

百姓皆走上山水留十三日隄潰二所吏民塞之臣循隄上行視水勢南七十餘里至淇口水適至隄半計出地上五尺所今可從淇口以東為石隄多張水門初元中遮害亭下河去隄足數十步至今四十餘歲適至隄足由是言之其地堅矣恐議者疑河大川難禁制滎陽漕渠足以卜之其水門但用木與土耳今據堅地作石隄勢必完安冀州渠首盡當仰此水門治渠非穿地也但為東方一隄北行三百餘里入漳水中其西因山足

臣士奇曰隄之上策大利大害

條馬中策可常
行下策故柱自
前而已詳細曲
折此奏已具有
水經注

高地諸渠皆往往股引取之

股支別也

旱則開東方下水門

溉冀州水則開西方高門分河流通渠有三利不通有

三害民常罷於救水半失作業

此一害

水行地上湊潤上

徹民則病溼氣木皆立枯鹵不生穀

此二害

決溢有敗為

魚鼈食此三害也若有渠溉則鹽鹵下隰填淤加肥

此一利

利故種禾麥更為秔稻高田五倍下田十倍

此二利秔稻之不粘

者轉漕舟船之便此三利也今瀕河隄吏卒郡數千人

伐買薪石之費歲數千萬足以通渠成水門又民利其

溉灌相率治渠雖勞不罷民田適治河隄亦成此誠富國安民興利除害支數百歲故謂之中策若廼繕完故隄增卑倍薄勞費無已數逢其害此最下策也

按漢承秦焚書

之後詩書放失至文帝時尚書始出武帝訪求遺經然後六經之文備然當文帝初洛陽賈誼已能誦詩書屬文稱於郡中矣意其所誦者別自有本或秦所未焚之書為博士所藏者猶有留于人間者耶觀生治安諸疏及朝錯賈山所上封事其氣格之瑰瑋雄絕不異于先秦以上也及廣川董氏出變為舒徐漫衍湛深于經術而司馬揚雄劉氏父子繼作而漢一代之文章與雅頌比隆矣論者謂其原自上讀高惠文景諸詔書何其盛也則夫興教化以漸摩其民以至移風易俗者豈不信哉



御選古文淵鑒卷十六

欽定四庫全書

集部

御選古文淵鑒卷十七

詳校官尚書臣德保

主事銜臣徐以坤覆勘

總校官進士臣朱 鈴

校對官編修臣莊通敏

謄錄監生臣邱南林

欽定四庫全書

御選古文淵鑒卷十七目錄

漢

光武

勅馮異

報隗囂手書

恤民詔

賜竇融璽書

再報竇融詔

與公孫述書

賜隗囂詔

詔上書不得言聖

詔讓劉尚

地震詔

報臧宮馬武詔

明帝

報桓榮書

祀明堂詔

爵李躬桓榮詔

獲寶鼎詔

班示封事詔

手詔東平王國傳

申明科禁詔

汴渠成詔

明德馬皇后

辭封爵詔

報帝請封外戚詔

章帝

命趙熹為太傅牟融為太尉詔

實覈受廩詔

地震舉賢良詔

報東平王

賜東平瑯邪二王書

論五經同異詔

日食詔

手詔東平王

賜公卿助祭錢詔

行秋稼詔

選高才生受學詔

賜流民公田詔

詔報朱暉

賜鄭均毛義穀詔

詔三公

定律詔

詔袁安等

詔改定禮制

稟給孤幼詔

以肥田賦貧民詔

勅侍御史司空詔

詔齊相旌江革

和帝

罷收鹽鐵詔

求曹相國後詔

選舉詔

舉賢良詔

封班超詔

蝗災罪已詔

擇良吏詔

留諸王詔

和熹鄧皇后

詔河南尹弼等

殤帝

勅司隸校尉部刺史

安帝

旱蝗詔

霖雨傷稼詔

申制度科品詔

順帝

勅桂陽太守文龍

桓帝

災異詔

欽定四庫全書

御選古文淵鑒卷十七

內閣學士兼禮部侍郎教習庶吉士臣徐乾學等奉

旨編注

漢

光武

諱秀字文叔高祖九世孫出自景帝長沙定王發之後王莽末帝與兄續起兵舂陵定天

下再受命廟號世祖傳十二世自光武至獻帝延康元年凡一百九十六年

勅馮異

建武二年帝既遣異代鄧禹討赤眉車駕送至河南賜以乘輿七尺貝劔并下

平定安集尤武有
舉以副將即可謂
王者之師仁人之
言

駕馭羣雄推心置
腹無復吟域之嫌

此勅異頓
首受命

三輔遭王莽更始之亂重以赤眉延岑之酷元元塗炭
無所依訴今之征伐非必略地屠城要在平定安集之
耳諸將非不健鬪然好虜掠卿本能御史士念自脩勅
無為郡縣所苦

報隗囂手書

三年陳倉人呂鮪擁衆數萬與公
孫述通寇三輔囂遣兵佐馮異擊

之走鮪遣使上
狀帝報以手書

慕樂德義思相結納昔文王三分猶服事殷但駕馬鉛

水寇劉友蓋曰
君子舉成人之
美故不以其終
焉之惡而并沒
其始焉之善使
鷲始終若此亦
何不可之有惜
哉

刀不可強扶

不可強扶
持而用也

數蒙伯樂一顧之價而蒼蠅之

飛不過數步即託驥尾得以絕羣隔于盜賊聲聞不數

將軍操執款款扶傾救危南距公孫之兵北禦羌胡之

亂是以馮異西征得以數千百人躑躅三輔

躑躅猶微
踟躕也

將軍之助則咸陽已為他人禽矣今關東寇賊往往屯

聚志務廣遠多所不暇未能觀兵成都與子陽角力

子陽

公孫
述字

如令子陽到漢中三輔願因將軍兵馬鼓旗相當

儻肯如言蒙天之福即智士計功割地之秋也管仲曰

理冤獄釋滯囚以
消亢旱之氣較主
壁構祠遠勝

生我者父母成我者鮑子自今以後手書相聞勿用傍

人解構之言

解構猶聞構也

恤民詔

五年夏四月
旱蝗乃下詔

久旱傷麥秋種未下朕甚憂之將殘吏未勝獄多冤結
元元愁恨感動天氣乎其令中都官三輔郡國出繫囚

中都官謂京師諸官府也
國謂諸侯王國也

臯非犯殊死一切勿案

殊死謂斬刑殊

也絕見徒免為庶人務進柔良退貪酷各正厥事焉

賜竇融璽書

五年夏融遣長史劉鈞奉書獻馬
帝見鈞歡甚禮饗畢乃遣令還賜

實融雄據河西待
時觀變尤貳賜以
璽書洞見情事融
既憚英明又懷大
度委心効順永為
漢蕃所謂一紙書
賢於十萬師也

融璽書因授融為涼州牧璽書既至
河西咸驚以為天子明見萬里之外

制詔行河西五郡大將軍事屬國都尉勞鎮守邊五郡
兵馬精強倉庫有蓄民庶殷富外則折挫羌胡內則百
姓蒙福威德流聞虛心相望道路隔塞邑邑何已長史
所奉書獻馬悉至深知厚意今益州有公孫子陽天水
有隗將軍方蜀漢相攻權在將軍舉足左右便有輕重
以此言之欲相厚豈有量哉諸事具長史所見將軍所
知王者迭興千載一會

言時難得而易失也

欲遂立桓文輔微國

臣無曰廟算明
遠河西情事如
在几席之間

當勉卒功業欲三分鼎足連衡合從亦宜以時定天下

未并吾與爾絕域非相吞之國今之議者必有任囂效

尉佗制七郡之計

秦胡亥時南海尉任囂病且死召龍川令趙佗令行南海尉事效致也蒼

梧鬱林合浦交趾九真南海日南皆越之分此為七郡也

王者有分土無分民自適

已事而已今以黃金二百斤賜將軍便宜輒言

再報竇融詔

融得前璽書即復遣鈞上書會隗囂叛道絕馳還融乃與囂書責讓

之囂不納融于是與五郡太守砥厲兵馬上疏請師期帝深嘉美之賜融以外屬圖及太

史公五宗外戚世家魏其侯列傳并詔報云

光武初年公孫述
在蜀陳寔在隴右
皆劉豫州所恃
以托二危者惟
融在河西耳帝撫
以至誠既無西顧
之憂復收指臂之
勢不數年隴蜀削
平帝業之成重繫
於此

臣正治曰推心
置腹之言簡而
愈至可與文帝
造廚陀言並傳

每追念外屬孝景皇帝出自竇氏定王景帝之子朕之

所祖昔魏其一言繼統以正

梁孝王景帝弟也亦竇太后所生梁王朝因昆弟燕

飲是時景帝未立太子酒酣帝從容曰千秋之後傳梁王太后驪竇嬰引卮酒進上曰天下者高祖天下父子

相傳漢之約也帝何長君少君尊奉師傅

長君竇太后兄也少君太

后弟廣脩成淑德施及子孫此皇太后神靈上天祐漢國之字

也從天水來者寫將軍所讓隗囂書痛入骨髓畔臣見

之當股慄慙愧忠臣則酸鼻流涕義士則曠若發矇非

忠孝慈誠孰能如此豈其德薄者所能克堪囂自知失

河西之助族禍將及欲設間離之說亂惑真心轉相解
構以成其奸又京師百僚不曉國家及將軍本意多能
採取虛偽誇誕妄談令忠孝失望傳言乖實毀譽之來
皆不徒然不可不思今關東盜賊已定大兵今當悉西
將軍其抗厲威武以應期會

融被詔即與諸郡
守將兵入金城

與公孫述書

六年述為符命自言手文有奇及
得龍興之瑞數移書中國冀以惑

動衆心帝患之乃與述
書署曰公孫皇帝不答

圖讖言公孫即宣帝也代漢者當塗高君豈高之身耶

圖讖之說盛於西
漢末年至光武初

猶贊用之觀其以
赤伏符受命是也
故與公探述書亦
舉以立言

屢賜書數遠來
欽意在保全舊降
蜀而自取珍寶宜
哉

識云承赤者黃也乃復以掌文為瑞王莽何足效乎王莽

詐以鐵契石君非吾賊臣亂子倉卒時人皆欲為君事

耳何足數也數責君日月已逝妻子弱小當早為定計

可以無憂天下神器不可力爭宜留三思

賜隗囂詔

六年有司以囂言慢請誅其子恂
帝不忍復使來獻至所賜囂書

昔柴將軍與韓信書云

柴將軍柴武也韓信韓王信也
信反入匈奴與漢戰故武與之

書陛下寬仁諸侯雖有亡叛而後歸輒復位號不誅也

以囂文吏曉義理故復賜書深言則似不遜略言則事

不決今若束手復遣恂弟歸闕庭者則爵祿獲全有浩大之福矣吾年垂四十在兵中十歲厭浮語虛辭即不

欲勿報

葛得書知帝審知其詐遂遣使稱臣於公孫述

詔上書不得言聖

七年三月晦日有食之帝避正殿寢兵不聽事五日乃下

詔

德盛而後能謙能謙而盛德益著光武此詔視唐諸帝之屢上尊號者彌增光烈矣

吾德薄致災謫見日月戰慄恐懼夫何言哉今方念愆庶消厥咎其令有司各脩職任奉遵法度惠茲元元百僚各上封事無有所諱其上書者不得言聖

仁厚之言哀矜側
怛為將者宜深體
斯意

詔讓劉尚

十二年公孫述死其將延岑降吳漢乃夷述妻子盡滅公孫氏并族延岑

遂放兵大掠焚述宮室帝聞之怒以譴漢且讓副將劉尚云

城降三日吏人從服孩兒老母口以萬數一旦放兵縱

火聞之可為酸鼻尚宗室子孫嘗更吏職何忍行此仰

視天俯視地觀放麕啜羹二者孰仁

韓子孟孫獵得麕使秦西巴持之其

母隨而呼秦西巴不忍而與其母戰國策樂羊為魏將而攻中山其子在中山中山君烹其子而遺之羹樂羊

啜之盡一杯而攻拔中山良失斬將弔人之義也

地震詔

二十二年九月戊辰地震裂下詔

軫恤災傷具有實
政文亦簡賈道古

臣德宜曰聖王
蠲賦減刑在平
時猶加意優恤
況當震動脩省
之日乎蓋修德
弭災愛民所以
敬天也

日者地震南陽尤甚夫地者任物至重靜而不動者也
而今震裂咎在君上鬼神不順無德災殃將及吏人朕
甚懼焉其令南陽勿輸今年田租芻藁遣謁者案行其
死臯繫因在戊辰以前減死罪一等徒皆弛解鉗衣絲
絮弛解脫也鉗足鉗也舊法在徒役者不得衣絲絮今赦許之○鉗奇炎反賜郡中人壓死
者棺錢人三千其口賦逋稅而廬宅尤破壞者勿收責
吏人死亡或在壞垣毀屋之下而家羸弱不能收拾者
以見錢穀取傭為尋求之

光武久在兵間深
知用武之擾民故
謹於開邊如此

少賴林之奇曰
光武以兵定天
下而用兵果光
武之心乎觀其
遣馮異入關必
先告之曰征伐
非必畧地屠城
要在平定安集

報臧宮馬武詔

二十七年宮武上書請伐匈奴
帝因詔報自是諸將莫敢復言

兵事
者

黃石公記曰柔能制剛弱能制强柔者德也剛者賊也
弱者仁之助也强者怨之歸也故曰有德之君以所樂
樂人無德之君以所樂樂身樂人者其樂長樂身者不
久而亡舍近謀遠者勞而無功舍遠謀近者逸而有終
逸政多忠臣勞政多亂人故曰務廣地者荒務廣德者
强有其有者安貪人有者殘殘滅之政雖成必敗今國

之耳方羣雄角逐之時猶不欲以成武勝而況匈奴乎方投戈講藝之餘正欲與天下相安無事而臧馬三子欲求逞於一翅嗟乎一翅周而吾民之命殘矣光武之心豈忍為之哉故不得不持黃后之說以自戒而固却之也明帝尊重師傅即高宗舊學甘盤之

無善政災變不息百姓驚惶人不自保而復欲遠事邊外乎孔子曰吾恐季孫之憂不在顓臾且北狄尚強而屯田警備傳聞之事恒多失實誠能舉天下之半以滅大寇豈非至願苟非其時不如息人

明帝

諱莊光武第四子廟號顯宗

報桓榮書

明帝為太子桓榮傳之上疏辭歸因報書云

莊以童蒙學道九載而典訓不明無所曉識夫五經廣大聖言幽遠非天下之至精豈能與於此況以不才敢

義

商周皇皇聲容俱
備東漢之盛史稱
明章良有以哉

承誨命昔之先師謝弟子者有矣上則通達經旨分明

章句

前書丁寬受學於田何學成何謝寬寬東歸何謂門人曰易東矣是先師謝弟子

下則去

家慕鄉求謝師門

慕鄉思親而歸也

今蒙下列不敢有辭願君

慎疾加餐重愛玉體

祀明堂詔

永平二年宗祀光武皇帝於明堂帝及公卿列侯始服冠冕衣裳玉佩綬

屢以行事禮畢登靈臺使尚書令持節詔驃騎將軍三公等

今令月吉日宗祀光武皇帝於明堂以配五帝禮備法
物樂和八音詠祉福舞功德其班時令勅羣后事畢升

水寇劉友益曰

先武中興投戈

矣末年遂建三

雍未及臨饗明

帝繼之舉宗祀

望雲物行大射

養老之禮東都

文物于是彬彬

可觀書之于冊

足為美稱詩曰

貽厥孫謀以燕

翼子光武以之

又曰昭哉嗣服

繩其祖武顯宗

有焉

靈臺望元氣吹時律觀物變

元氣天氣也王者承天心理禮樂通上下四時之氣

也故望之焉時律者即月令十二律律呂不正則諸氣不和

羣僚藩輔宗室子孫衆

郡奉計百蠻貢職

奉計謂計吏也

烏桓濊貊咸來助祭單于侍

子骨都侯亦皆陪位斯固聖祖功德之所致也朕以閭

陋奉承大業親執圭璧恭祀天地仰惟先帝受命中興

撥亂反正以寧天下封泰山建明堂立辟雍起靈臺恢

弘大道被之八極而胤子無成康之質羣臣無呂旦之

謀盟洗進爵踧踖惟慙素性頑鄙臨事益懼故君子坦

臣鴻緒曰孝莫
大於嚴父嚴父
莫大於配天漢
明有焉

三代哲王皆盛行
養老之典周兼以
來斯禮久曠漢明
帝能修舉於廢墜
之後宜乎人心允
洽園橋門而觀瞻
者億萬計也

蕩蕩小人常戚戚其令天下自殊死以下謀反大逆皆

赦除之百僚師尹其勉脩厥職順行時令敬若昊天以

綏兆人

爵李躬桓榮詔

二年冬十月帝幸辟雍
初行養老禮乃下詔

光武皇帝建三朝之禮而未及臨饗

三朝之禮謂中元
元年初起明堂辟

雍靈臺也眇眇小子屬當聖業間暮春吉辰初行大射令月

元日復踐辟雍尊事三老兄事五更安車輶輪供綏執

授侯王設醬公卿饌珍朕親袒割執爵而酌

三老知天
地人之事

耕道戶起華曰
自光武末年
明堂靈臺辟雍
然徒聞宣布圖
識而已至是始
盛三雍之儀復
先代之典帝於
此可謂賢矣文
治可謂盛矣

者五更知五行更代事者安車坐乘之車輶輪以蒲裹

輪三老就車天子親執綏授之袒割袒而割俎醕以酒

潔口也○祝哽在前祝噎在後老人食多哽咽故置人

咽而充反升歌鹿鳴下管新宮新宮小雅逸篇升登也登堂而

也升歌鹿鳴下管新宮歌所以重人聲也燕禮曰升歌

鹿鳴下管新宮八佾具脩萬舞于庭萬亦舞也朕固薄德何以克當

易陳負乘詩刺彼已易曰負且乘致寇至詩曰彼已之子不稱其服永念慙疚

無忘厥心三老李躬年耆學明五更桓榮授朕尚書詩
曰無德不報無言不酬其賜榮爵關內侯食邑五千戶
三老五更皆以二千石祿養終厥身其賜天下三老酒

獲鼎薦廟乃歸其
於祖宗讓善於臣
子復禁章奏浮辭
虛譽則善矣

人一石肉四十斤有司其存者耄

六十曰耄七十曰耄耄耄指也不從力役指

事使人也耄鐵也皮恤幼孤惠鰥寡稱朕意焉

獲寶鼎詔

六年王雒山出寶鼎處江太守獻之乃下詔

昔禹收九牧之金鑄鼎以象物使人知神姦不逢惡氣

鑄鼎以象之令人知鬼神百物之形狀而備之故人入山林川澤魑魅罔兩莫能逢之惡氣謂罔兩之類事見

左傳遭德則興遷於商周周德既衰鼎乃淪亡周鼎亡入泗水中

祥瑞之降以應有德方今政化多僻何以致茲易曰鼎

象三公豈公卿奉職得其理邪太常以其祔祭之日

夏祭

耕道戶起筆曰
光武書封事不
得言聖此書禁
章奏浮詞皆特
筆也

史稱大禹昌言則
拜仲虺贊湯改過
不名明帝班示封
事猶得斯義

曰初初薄也夏物未
成祭尚薄○初音藥
陳鼎于廟以備器用賜三公帛五
十匹九卿二千石半之先帝詔書禁人上事言聖而間
者章奏頗多浮辭自今若有過稱虛譽尚書皆宜抑而
不省示不為諂子蚩也

班示封事詔

八年冬帝既以日食下詔于是在
位者皆上封事各言得失帝覽章

派自引咎乃以
所上班示百官

羣僚所言皆朕之過人寬不能理吏黠不能禁而輕用
人力繕脩宮宇出入無節喜怒過差昔應門失守闕睢

耕道尹起華曰
詔求直言難矣
而又以示百官
所以開不諱之
門也帝于是可
謂賢哉

恩誼萬摯詞致劇
雅為善眾樂之言
允為宗親楷範

興刺

春秋說題辭曰人主不正應門失守故歌闕雅以感之宋均注曰應門聽政之處也言不以政事為

務則有宣淫之心闕雅樂而不淫思得賢人與之共化脩應門之政者也飛蓬隨風微子所

嘆

管子曰無儀法程式飛搖而無所定謂之飛蓬飛蓬之間明主不聽此言微子未詳永覽前戒

疎然兢懼徒恐薄德久而致怠耳

手詔東平王國傳

東平王名蒼明帝母弟十一年蒼與諸王朝京師月餘還

國帝臨送歸宮悽然懷思乃遣使手詔國中傳云

辭別之後獨坐不樂因就車歸伏軾而吟瞻望永懷實

勞我心誦及采菽以增歎息

采菽小雅之章

日者問東平王處

家何等最樂王言為善最樂其言甚大副是要腹矣

要古

腰字東平王腰腹肥大其言與腰腹稱也

今送列侯印十九枚諸王子年五

歲已上能趨拜者皆令帶之

申明科禁詔

十二年

自古慎終之禮皆有制度品節所以辨貴賤之等安貧富之心維持風俗獎成廉讓莫要於此詔語明確足以解世之惑

昔曾閔奉親竭歡致養仲尼葬子有棺無槨喪貴致哀禮存寧儉今百姓送終之制競為奢靡生者無擔石之儲而財力盡于墳土伏臘無糟糠而牲牢兼于一奠

奠喪

祭糜破積世之業以供終朝之費子孫饑寒絕命于此也

臣竊學曰愚民
競為侈葬亦相
驅於習俗耳或
乃借陳儀衛務
飾觀聽為之限
制一執於禮正
所以教孝也

黃河激湍奔流助
以他水則勢益暴
明帝修復隄防所
以收河汴分流之
利臨流而嘆禹功
繼世宗甄子之作
意概亦偉

豈祖考之意哉又車服制度恣極耳目田荒不耕游食
者衆有司其申明科禁宜于今者宣下郡國

汴渠成詔

十三年四月汴渠成行幸滎陽巡行
河渠下詔因遂度河登太行進幸上

黨

自汴渠決敗六十餘歲

平帝時汴
河決壞

加頃年以來雨水不

時汴流東侵日月益甚水門故處皆在河中潴瀆廣溢

莫測圻岸蕩蕩極望不知網紀今兗豫之人多被水患

乃曰縣官不先人急好興它役又或以為河流入汴幽

臣士奇曰河流入汴水勢象便利於幽冀者尚速害於兗豫者已多築堤立門度地勢以成功濱渠溉田其利溥矣

冀蒙利故曰左隄彊則右隄傷左右俱彊則下方傷宜

任水執所之使人隨高而處公家息壅塞之費百姓無

陷溺之患議者不同南北異論朕不知所從久而不決

今既築隄理渠絕水立門河汴分流復其舊迹陶丘之

北漸就壤墳

濟陰定陶城中有陶丘土無塊曰壤墳起也

故薦嘉玉絜牲以

禮河神東過洛汭敷禹之績

水北曰汭

今五土之宜反其正

色

水去土復其性也

濱渠下田賦與貧人無令豪右得固其利

濱近也固專也

庶繼世宗瓠子之作

瓠子隄名武帝元封二年發卒數萬人塞瓠子決河

明德后損抑外家
出於至誠示之以
儉帥之以謙正所
以保全長久之也
明德之識解超矣
伏波之遺澤遠矣

明德馬皇后

伏波將軍援之少女明帝為太子選入宮即位為貴人永平三年立為后

辭封爵詔

建初二年夏大旱言事者以不封外戚之故有司因此上奏宜依舊典太

后下詔
固不許

凡言事者皆欲媚朕以要福耳昔王氏五侯同日俱封

其時黃霧四塞不聞澍雨之應又田蚡竇嬰寵貴橫恣

傾覆之禍為世所傳

田蚡景帝王皇后同母弟武安侯也為丞相貪驕與淮南王霸上私

語後漢武帝曰使武安侯在者族矣竇嬰文帝竇皇
后從兄子魏其侯也為丞相坐與灌夫朋黨棄市故

先帝防慎舅氏不令在樞機之位

樞機近要之官也

諸子之爵

臣美曰諫冲謹
抑發於中誠卓
然明達之言

裁令半楚淮陽諸國常謂我子不當與先帝子等今有
司奈何欲以馬氏比陰氏乎吾為天下母而身服大練
食不求甘左右但著帛布無香薰之飾者欲身率下也
以為外親見之當傷心自勅但笑言太后素好儉前過
濯龍門上見外家問起居者車如流水馬如游龍倉頭
衣綠襦領袖正白構臂衣以縛左右手于事便也顧侍御者不及遠矣
故不加譴怒但絕歲用而已冀以默愧其心而猶懈怠
無憂國忘家之慮知臣莫若君况親屬乎吾豈可上負

先帝之旨下虧先人之德重襲西京敗亡之禍哉

報帝請封外戚詔

太后辭封舅爵章帝省詔悲歎復重請曰漢興舅氏之封

侯猶皇子之為王也太後誠存謙虛何令臣獨不加恩三舅乎且衛尉年尊兩校尉有大病如令不諱使臣長抱刻骨之恨宜及吉時不可稽留太后報云

吾反覆念之思令兩善豈徒欲獲謙謙之名而使帝受

不外施之嫌哉

以恩澤封外家為外施也

昔竇太后欲封王皇后之

兄

竇太后文帝后也王皇后景帝后也兄即王信後封為蓋侯

丞相條侯言受高祖

約無軍功非劉氏不侯

條侯周亞夫也

今馬氏無功於國豈得

史稱馬后德冠後宮觀其惓惓阻戚
咤之封可為萬世
龜鑑

與陰郭中興之后等耶嘗觀富貴之家祿位重疊猶再
實之木其根必傷且人所以願封侯者欲上奉祭祀下
求溫飽耳今祭祀則受四方之珍衣食則蒙御府餘資
斯豈不足而必得一縣乎吾計之熟矣勿有疑也夫至
孝之行安親為上今數遭變異穀價數倍憂惶晝夜不
安坐臥而欲先營外封違慈母之拳拳乎吾素剛急有
習中氣不可不順也若陰陽調和邊境清靜然後行子
之志吾但當含飴弄孫

飴餈也

不能復關政矣

漢建三公為師傅
之官慎簡耆德老
成故特重之文復
典醇有致

章帝

諱炅顯宗第五
子廟號肅宗

命趙憙為太傅牟融為太尉詔

帝初即位下詔

朕以眇身託于王侯之上統理萬幾懼失厥中兢兢業業未知所濟深惟守文之主必建師傅之官詩不云乎不愆不忘率由舊章行太尉事節鄉侯憙三世在位為

國元老

趙憙光武時為太尉明帝時行太尉事故曰三世在位

司空融典職六年

勤勞不怠其以憙為太傅融為太尉並錄尚書事三事大夫莫肯夙夜小雅之所傷也予違汝弼汝無面從股

矜恤流離務施實
惠當無澤不下究
之患

肱之正義也羣后百僚勉思厥職各貢忠誠以輔不逮
申勅四方稱朕意焉

實覈受廩詔

建初元年兗豫齊
大旱詔三州郡國

方春東作恐人稍受廩往來煩劇或妨耕農

廩給也稍
少也少給

之不其各實覈尤貧者計所貸并與之

并必
政反

流人欲歸

本者郡縣其實廩令足還到聽過止官亭無僱舍宿長
吏親躬無使貧弱遺脫小吏豪右得容姦妄詔書既下
勿得稽留刺史明加督察尤無狀者

政無大小得人為
本自是要言不煩

臣鴻緒曰地者
臣象也固地震
而思舉賢良帝
可謂深達治體
矣

地震舉賢良詔

元年三月山
陽東平地震

朕以無德奉承大業夙夜慄慄不敢荒寧而災異仍見
與政相應朕既不明涉道日寡又選舉乖實俗吏傷人
官職耗亂刑罰不中可不憂與昔仲弓季氏之家臣子
游武城之小宰孔子猶誨以賢才問以得人明政無大
小以得人為本夫鄉舉里選必累功勞今刺史守相不
明真偽茂才孝廉歲以百數既非能顯而當授之政事
甚無謂也每尋前世舉人貢士或起畊畝不繫閭閻

田

中之溝史記曰明其等曰閭積其功曰閭敷奏以言則
言前代舉人務取賢才不拘門第明畎畝同敷奏以言則
文章可採明試以功則政有異迹文質彬彬朕甚嘉之
其令太傅三公中二千石二千石郡國守相舉賢良方
正能直言極諫之士各一人

報東平王

元年地震蒼上便宜其
事留中帝報之以書

東平因災異上封
事章帝帝已採納
雖沖之意溢於言
表

丙寅所上便宜三事朕親自覽讀反覆數周心開目明
曠然發矇聞吏人奏事亦有此言但明智淺短或謂儻
是復慮為非何者災異之降緣政而見今改元之後年

饑人流此朕之不德感應所致又冬春旱甚所被尤廣雖內用克責而不知所定得王深策快然意解詩不云乎未見君子憂心忡忡既見君子我心則降思惟嘉謀以次奉行冀蒙福應彰報至德

賜東平瑯邪二王書

三年帝饗衛士於南宮因從皇太后周行掖庭池閣

閱陰太后舊時器服愴然動容乃命留五時衣各一襲及常所御衣合五十篋餘悉分布

諸王上及子孫在京師者各有差特賜東平瑯邪二王書云

賜書中萬念先施
敦睦宗親仁孝溫

中大夫奉使親聞動靜嘉之何已歲月驚過山林浸遠

文皆蕭然至性之
言史綱章帝長者
不虛也

臣杜訥曰惇篤
曩倫訓辭深厚
讀之令人惻然

孤心悽愴如何如何間饗衛士于南宮因閱視舊時衣

物聞于師曰

師謂孔子見家語

其物存其人亡不言哀而哀自

至信矣惟王孝友之德亦莫不然今送光烈皇后假紵

帛巾各一

紵與結同俗作
罽○紵音計

及衣一篋可時奉瞻以慰凱

風寒泉之思又欲令後生子孫得見先后衣服之製今

魯國孔氏尚有仲尼車輿冠履明德盛者光靈遠也其

光武皇帝器服中元二年已賦諸國故不復送并遺宛

馬一匹血從前膊上小孔中出常聞武帝歌天馬霜赤

五經在兩漢時各祖其師說以專家鳴於世章帝特問虎觀詔諸儒講五經同異俾先聖典訓晦而復明漢諸帝尊經之功大矣

汗今親見其然也頃反虜尚屯將帥在外憂念遑遑未

有間寧

開音

願王寶精神加供養苦言至戒望之如渴

論五經同異詔

四年詔下太常命大夫博士議郎郎官及諸生諸儒會白虎觀

講議五經同異

蓋三代導人教學為本漢承暴秦褒顯儒術建立五經

為置博士其後學者精進雖曰承師亦別名家

言雖承一師之

業其後觸類而長更為章句則別為一家之學

孝宣皇帝以為去聖久遠學不

厭博故遂立大小夏侯尚書後又立京氏易

大小夏侯謂夏侯勝

料道尹起華曰
宣帝之爲官會
石渠講五經矣
於是再見嘉華
經也

臣熙曰扶進微
學尊廣道藝得
繼往開來之美
漢世經學脩明
由於主德功不
獨諸儒也

勝從兄子建也
京氏京房也

至建武中復置顏氏嚴氏春秋大小戴

禮博士

嚴氏謂嚴彭祖顏氏謂顏安樂大小戴戴德戴聖也

此皆所以扶進微學

尊廣道藝也中元元年詔書五經章句煩多議欲減省

至永平元年長水校尉儉

樊儉

奏言先帝大業當以時施

行欲使諸儒共正經義頗令學者得以自助孔子曰學

之不講是吾憂也又曰博學而篤志切問而近思仁在

其中矣於戲其勉之哉

日食詔 五年

舉士先嚴父母取
浮華尤得官人之
要

親親之誼辭愈悽
而愈真

朕新離供養

去年馬太后崩

愆咎衆著上天降異大變隨之詩

不云乎亦孔之醜

小雅十月之交篇曰有食之亦孔之醜醜惡也

又久旱傷麥

憂心慘切公卿以下其舉直言極諫能指朕過失者各

一人遣詣公車將親覽問焉其以嚴穴為先勿取浮華

手詔東平王

七年有司奏遣蒼歸國手詔賜之于時車駕祖送流涕而訣中使問

起居相望于道

骨肉天性誠不以遠近為親疎然數見顏色情重昔時
念王久勞思得還休欲署大鴻臚奏不忍下筆顧授小

黃門中心戀戀惻然不能言

大鴻臚奏王歸國
小黃門受詔者

賜公卿助祭錢詔

七年飲酎高廟
祭世祖顯宗

祖考來假明哲之祀

言明哲祭祀則能
致祖考之神來至

予末小子質又

文質而思深言簡
而意長兩漢詔今
之所以擅今古也

菲薄仰惟先帝蒸蒸之情前脩禘祭以盡孝敬朕得識

昭穆之序寄遠祖之思今年大禮復舉加以先帝之坐

臣正治曰奉先
推恩仁孝之言
藹如猶有文景
詔今遺風

言顯宗神坐
今新加之

悲傷感懷樂以迎來哀以送往雖祭亡如

在而空虛不知所裁庶或饗之豈亡克慎肅雍之臣辟

公之相皆助朕之依依

依依意思
慕之意

今賜公錢四十萬卿半

行稼所以省民若
供帳勞費過濫煩
擾章帝下詔務崇
省約欲令貧弱有
利庶幾夏訪遊豫
之善

算經之言蔚然雅
正

之及百官執事各有差

行秋稼詔

七年帝幸偃師東涉
卷津至河內乃下詔

車駕行秋稼觀收穫因涉郡界皆精騎輕行無它輜重

不得輒脩橋道遠離城郭遣吏逢迎刺探起居

刺探謂
伺候也

出入前後以為煩擾動務省約但患不能脫粟瓢飲耳

所過欲令貧弱有利無違詔書

選高才生受學詔

八年

五經剗判去聖彌遠章句疑辭乖疑難正恐先師微言

將遂廢絕非所以重稽古求道真也其令羣儒選高才
生受學左氏穀梁春秋古文尚書毛詩以扶微學廣興
義焉

賜流民公田詔

元和元年

人情安土重遷罹
水旱而致流移民
生之寢可矜者恤
之如此當無鴻雁
澤中之嘆

王者八政以食為本故古者急耕稼之業致耒耜之勤
節用儲蓄以備凶災是以歲雖不登而人無饑色自牛
疫以來穀食連少良由吏教未至刺史二千石不以為
負負猶憂也其令郡國募人無田欲徙他界就肥饒者悉聽

臣施宜曰本移
民就食之意而
屯墾之法即寓
其中可補周官
荒政所未及

水暉為太守時吏
畏其威民懷其惠
可謂廉吏故事帝
報書如此

之到在所賜給公田為雇耕傭賃種餉

餉糧也古餉字

貫與田

器勿收租五歲除算三年其後欲還本鄉者勿禁

詔報朱暉

元年帝巡狩告南陽太守問暉起居名拜尚書僕射遷太山太守上便宜

陳密事深見嘉納詔報云

補公家之闕不累清白之素斯善美之士也俗吏苟合
阿意面從進無蹇蹇之志卻無退思之念患之甚久惟
令所言適我願也生其勉之

賜鄭均毛義穀詔

元年詔告廬江太守東平相以毛義廬江人鄭均東平人

崇獎孝義存問隱
逸得為政之要

守令最為親民與
為才辨無寧簡樸
與為精察無寧渾
厚西漢罷片俗吏

也明年帝東巡過任城乃幸均舍勅賜
尚書祿以終其身時人號為白衣尚書

議郎鄭均束脩安貧恭儉節整前在機密以病致仕守
善貞固黃髮不怠又前安邑令毛義躬履遜讓比徵辭
病淳潔之風東州稱仁書不云乎章厥有常吉哉其賜
均義穀各千斛常以八月長吏存問賜羊酒顯茲異行

詔三公 二年

方春生養萬物莠甲

莠兼棄白皮也
易曰百果甲拆

宜助萌陽以育時

物其令有司臯非殊死且勿案驗及吏人條書相告不

樊通安靜惴惴之
人此吏治所以近
古也

得聽受

條事
條也

冀以息事寧人敬奉天氣立秋如故夫俗

吏矯飾外貌似是而非揆之人事則悅耳論之陰陽則

傷化朕甚厭之甚苦之安靜之吏惴惴無華

惴惴
誠也至

日

計不足月計有餘如襄城令劉方

方字伯況
平原人

吏人同聲

謂之不煩雖未有它異斯亦殆近之矣間勅二千石各

尚寬明而今富姦行賂於下貪吏枉法於上使有舉不

論而無過被刑甚大逆也夫以苛為察以刻為明以輕

為德以重為威四者或興則下有怨心吾詔書數下冠

頃成康之盛耶美
刑措紀太宗之政
昔曰縱囚蓋刑辟
時當敬慎固不獨
冬至立春後不宜
報囚也

蓋接道而更不加理人或失職其咎安在勉思舊令稱
朕意焉

定律詔 二年

春秋于春每月書王者重三正慎三微也

三正謂天地人之正三微

者三正之始萬物皆微也

律十二月立春不以報囚

報猶論也立春陽氣至可以施

生故不

月令冬至之後有順陽助生之文

月令仲冬之月日短至陰

陽爭諸生蕩君子身欲寧事欲靜以待陰陽之所定

而無鞠獄斷刑之政朕咨訪

儒雅稽之典籍以為王者生殺宜順時氣其定律無以

十一月十二月報囚

詔袁安等

二年武威太守孟雲上書宜還北單于生口以安慰之詔百官議安以為

還之便司徒桓虞亦從安太尉鄭弘司空第五倫皆恨之各相激叱司隸校尉舉奏安等

皆上印綬謝帝詔報竟從安議

集衆思慮應茲
禪讓此正晏子
和同之辨詔辭深
得此意

久議沈滯各有所志蓋事以議從策由衆定閭閻衍衍
得禮之容寢嘿抑心更非朝廷之福君何尤而深謝其
各冠履

詔改定禮制

三年詔侍中曹褒定漢禮班固
諸廣集諸儒共議得失帝詔云

議禮同於聚訟所以貴折衷也文特簡高適古

然
恤孤懷秀仁言惻然

章帝因巡行觀俗東樓低崇遂踐河

諺言作舍道旁三年不成會禮之家名為聚訟

言相爭不定也

互生疑異筆不得下昔堯作大章一夔足矣

稟給孤幼詔

三年

蓋君人者視民如父母有憺怛之憂有中和之教匍匐之救其嬰兒無父母親屬及有子不能養食者稟給如

律

食音飼
稟音康

以肥田賦貧民詔

三年帝北巡狩
耕于懷乃下詔

朕惟巡狩之制以宣聲教考同遐邇解釋結寃也今四

防給貧民糧種以
勸力農半免所過
田租嘉惠生民喜
政釐舉燕遊故可
紀也

臣英曰結標簡
助而韻致宏長
音節彌古洵為
典冊高文

國無政不用其良駕言出遊欲親知其劇易前祠園陵

遂望祀華霍

華山為西嶽
霍山為南嶽

東柴岱宗為人祈福今將禮

常山遂徂北土歷魏郡經平原升踐隄防詢訪耆老咸

曰往者汴門未作深者成淵淺則泥塗追惟先帝勤人

之德

謂永平十
二年脩汴

底績遠圖復禹弘業聖跡滂流至于海

表不克堂構朕甚慙焉月令孟春善相丘陵土地所宜

今肥田尚多未有墾闢其悉以賦貧民給與糧種務盡

地力勿令游手所過縣邑聽半入今年田租以勸農夫

之勞

勅侍御史司空詔 三年

混醇懷惻以愛物
為順天得體元之
義

方春所過無得有所伐殺車可以引避引避之駢馬可

輟解輟解之夾馬者為服馬外為駢馬詩云敦彼行葦牛羊勿踐

履○大雅行葦篇敦音圖禮人君伐一草木不時謂之不孝禮記伐一

樹殺一獸不以其時非孝也俗知順人莫知順天其明稱朕意

詔齊相旌江革革字次翁齊國臨淄人家貧裸跣行傭以供母鄉里稱之曰江

巨孝舉孝廉拜諫議大夫賜告歸元和中天子思革至行制詔齊相云

江革以至行受上
賞獎人倫而厚風
俗者莫大焉

昭帝時舉四方賢
良即言願罷鹽鐵
官追此時邊方寧
謐故殺惡去之

諫議大夫江革前以病歸今起居何如夫孝百行之冠

衆善之始也國家每惟志士未嘗不及革縣以見穀千

斛賜巨孝常以八月長史存問致羊酒以終厥身如有

不幸祠以中牢

由是巨孝之稱行于天下及卒詔復賜穀千斛

和帝

諱肇肅宗第四子

罷收鹽鐵詔

時帝初即位皇太后稱制下詔

昔孝武皇帝致誅吳越故權收鹽鐵之利以奉師旅之

費自中興以來匈奴未賓永平末年復脩征伐先帝即

臣執學曰東京
殷阜之餘欲行
度外之舉則意
藹然

念舊酬勳繼絕舉
廣詞意溫語詔旨
中極有風致者

位務休力役然猶深思遠慮安不忘危探觀舊典復收
鹽鐵欲以防備不虞寧安邊境而吏多不良動失其便
以違上意先帝恨之故遺戒郡國罷鹽鐵之禁縱民鑄
煮入稅縣官如故事其申勅刺史二千石奉順聖旨勉
弘德化布告天下使知朕意

求曹相國後詔

永元
元年

高祖功臣蕭曹為首有傳世不絕之義曹相國後容城
侯無嗣朕望長陵東門見二臣之壘

蕭何墓在長陵東
司馬門道北曹參

臣珥敬曰蕭實
為漢宗臣此詔
得實延於世之
義

漢選舉貴戚二千
石刺史故得人為
盛

冢在長陵
旁道北

循其遠節每有感焉忠義獲寵古今所同可

遣使者以中牢祠大鴻臚求近親宜為嗣者須景風紹

封以章厥功

大鴻臚掌封拜諸侯及其嗣春秋考異郵
曰夏至四十五日景風至則封其有功也

選舉詔

五年

選舉良才為政之本科別行能必由鄉曲而郡國舉吏

不加簡擇故先帝明勅在所令試之以職乃得充選又

德行尤異不須經職者別署狀上而宣布以來出入九

年二千石曾不承奉恣心從好司隸刺史訖無糾察

訖

和帝求賢諸詔
有西漢風致

致堂胡寅曰和
帝多冲能誅實
靈自是威權不
失無大過舉專

也今新蒙赦令且復申勅後有犯者顯明其罰在位不
以選舉為憂督察不以發覺為負非獨州郡也是以庶
官多非其人下民被姦邪之傷由法不行故也

舉賢良詔 六年

朕以眇末奉承鴻烈陰陽不和水旱遘度濟河之域凶
饉流亡尚書曰濟河惟兗州言東南據濟西北距河而未獲忠言至謀所以

匡救之策寤寢永嘆用思孔疚孔甚也疾病也惟官人不得於

上黎民不安于下有司不念寬和而競為苛刻覆案不

信儒術友愛兄弟禮賢納諫中國又安方之章帝實過之

漢立功西域每求智勇之士置為都

急以妨民事

不急謂非要

甚非所以上當天心下濟元元也

思得忠良之士以輔朕之不逮其令三公中二千石二

千石州郡守相舉賢良方正能直言極諫之士各一人昭巖穴

披幽隱遣詣公車

漢官儀曰公車令一人秩六百石掌殿門詣上書詣闕下者皆集奏之凡

所徵名亦總領之

朕將悉聽焉

封班超詔

六年超發八國兵討焉耆斬其王廣于是西域五十餘國悉納質內屬焉

明年下詔

往者匈奴獨擅西域寇盜河西永平之末城門晝閉先

尉當時最稱得人
亦自獎勵激賞之
典重也

帝深愍邊氓嬰罹寇害乃命將帥擊右地破白山臨蒲

類

西河舊事曰白山之中有好木
匈奴謂之天山去蒲類海百里

取車師城郭諸國震

懾響應遂開西域置都護而焉耆王舜舜子忠獨謀悖

逆恃其險隘覆沒都護并及吏士先帝重元元之命憚

兵役之興故使軍司馬班超安集于賓以西超遂踰葱

領迄縣度

迄至也縣度山名其山以繩索懸絕而過出
也在皮山國以西屬賓國之東○縣音懸

入二十二年莫不賓從改立其王而綏其人不動中國

不煩戎事得遠夷之和同異俗之心而致天誅蠲宿耻

遇災引咎深自譴
抑得詔令之體

以報將士之讐司馬法曰賞不踰月欲人速覩為善之
利也其封超為定遠侯邑千戶

蝗災罪已詔

八年京師蝗吏民言事者
多歸責有司帝乃下詔

蝗蟲之異殆不虛生萬方有罪在予一人而言事者輒

咎自下非助我者也朕寤寢悵矜思弭憂釁

悵矜尚書
作病瘵矜

病也言如痛病在身欲
除之也○矜古頑反

昔楚嚴無災而懼成王出郊而

反風將何以匡朕不逮以塞災變百僚師尹勉脩厥職

刺史二千石詳刑辟理冤虐恤鰥寡矜孤弱思惟致災

興蝗之咎

擇良吏詔

十二年二月詔貸被災諸郡民種糧賜下貧鰥寡孤獨不能自存者及郡

國流民聽入陂池漁采以助蔬食

周宣以雲漢為憂詩人美之斯語大意略同

比年不登百姓虛匱京師去冬無宿雪今春無澍雨黎民流離困于道路朕痛心疾首靡知所濟瞻仰昊天何辜今人此引大雅雲漢之詩言今人何罪而天令饑饉乎三公朕之腹心而未獲承天安民之策數詔有司務擇良吏今猶不改競為苛暴侵愁小民以求虛名委任下吏假執行邪是以令

下而姦生禁至而詐起巧法析律飾文增辭

禮記王制曰析言破

律也

貨行于言臯成乎手朕甚病焉公卿不思助明好惡將

何以救其咎罰咎罰既至復令災及小民若上下同心

庶幾有瘳其賜天下男子爵人二級三老孝弟力田三

級民無名數及流民欲占者人一級鰥寡孤獨篤癰貧

不能自存者粟人三斛

留諸王詔

十五年夏四月甲子日食有司以日食陰盛奏遣諸侯王就國帝下詔

甲子之異責由一人諸王幼稚早離顧復弱冠相育常

詔語雖簡深得
愛之義

有蓼莪凱風之哀選懦之恩知非國典且復須留

選懦仁弱

慈戀不決之意也

和熹鄧皇后

諱綏太傅禹之孫年十六選入掖庭事和帝為貴人永元十四年立為后

詔河南尹豹等

元初六年太后詔徵和帝弟濟北河間王子男女年五歲以上

四十餘人又鄧氏近親子孫三十餘人並為開邸第教學經書躬自監試尚幼者使置師

保朝夕入宮撫循詔導恩愛甚渥乃詔從兄河南尹豹越騎校尉康等

吾所以引納羣子置之學官者實以方今承百王之敝

時俗淺薄巧偽滋生五經衰缺不有化導將遂陵遲故

責戚子弟近國家肺腑股肱勇而不學長且面牆恃貴而驕恃富而侈職

此故也此語詞可
謂深中情事矣

欲褒崇聖道以匡失俗傳不云乎飽食終日無所用心

難矣哉今末世貴戚食祿之家溫衣美食乘堅驅良謂堅

好車良謂善馬也而面牆術學不識臧否斯故禍敗所從來也

永平中四姓小侯皆令入學所以矯俗厲薄反之忠孝

先公既以武功書之竹帛兼以文德教化子孫先公謂

有子十三人各使守一藝故曰文德也故能束脩不觸羅網言能自約誠令

兒曹上迷祖考休烈下念詔書本意則足矣其勉之哉

殤帝

諱隆和帝少子即位時誕育百餘日皇太后鄧氏臨朝稱制

痛言俗吏之弊甚
為嚴切

敕司隸校尉部刺史

延平
元年

夫天降災戾應政而至間者郡國或有水災妨害秋稼
朝廷惟咎憂惶悼懼而郡國欲獲豐穰虛飾之譽遂覆
蔽災害多張墾田不揣流亡競增戶口掩匿盜賊令姦
惡無懲署用非次選舉乖宜貪苛慘毒延及平民刺史
垂頭塞耳阿私下比不畏于天不愧于人假貸之恩不
可數恃自今以後將糾其罰二千石長吏其各實覈所
傷害為除田租芻藁

民生疾苦豈可壅
於上聞宜詔詞事
及之

臣乾學曰掩災
青務備科以飾
治狀蠹吏之錮
習也因所見以
詰之其將奚辭
王言若此可謂
明且仁矣

安帝

薛祐肅
宗孫

旱蝗詔

元初二年五月京師旱河
南及郡國十九蝗乃下詔

朝廷不明庶事失中災異不息憂心惶懼被蝗以來七

年于茲而州郡隱匿裁言頃畝裁與
纔同今羣飛蔽天為害

廣遠所言所見寧相副邪三司之職内外是監既不奏

聞又無舉正大災至重欺罔臯大今方盛夏且復假貸

以觀厥後假貸猶寬容也盛夏不
可即加刑罰故且寬容其務消救災青安輯

黎元

欽定四庫全書

御選古文淵鑒

國家德意惟在
司實意奉行始無
屯膏之弊

臣鴻緒曰摘發
吏奸深中時弊

霖雨傷稼詔

四年京師及
郡國大雨水

今年秋稼茂好垂可收穫而連雨未霽懼必淹傷夕惕

惟憂思念厥咎夫霖雨者人怨之所致

左傳曰凡雨三
日以工為霖京

房別對災異曰人
勞怨苦雨水絕道其武吏以威暴下文吏妄行苛刻鄉

吏因公生姦為百姓所患苦者有司顯明其罰又月令

仲秋養衰老授几杖行糜粥

助老氣也
行猶賜也

方今案比之時

東觀記曰方今八月案比之
時謂案驗戶口火比之也郡縣多不奉行雖有糜粥

糠粃相半長吏怠事莫有躬親甚違詔書養老之意其

綺穀珠璣之侈濫
及廝走與賈誼所
論略同正京師以
示四遠尤得風化
之要

臣廷敬曰漢之
諸帝頗知尚儉
屢有詔禁止華
靡故兩京風俗
猶可觀焉

務崇仁恕賑護鰥寡稱朕意焉

申制度科品詔

五年

舊令制度各有科品欲令百姓務崇節約遭永初之際
人離荒厄朝廷躬自菲薄去絕奢飾食不兼味衣無二
綵比年雖獲豐穰尚乏儲積而小人無慮不圖久長嫁
娶送終紛華靡麗至有走卒奴婢被綺縠著珠璣京師
尚若斯何以示四遠設張法禁懇惻分明而有司惰任
訖不奉行秋節既立鷩鳥將用

鷩鳥鷩鷩之類月令孟
秋鷩乃祭鳥始用行戲

封還大珠責以求媚非徒不貴異物亦以風勵廉節

言有司怠惰不遵法令將欲糾其罪順秋行誅同鷹鷂之驚擊也且復重申以觀後效

順帝

諱保安帝子

勅桂陽太守文龔

永建四年

海內頗有災異朝廷脩政大官減膳珍玩不御而桂陽太守文龔龔力公反不惟竭忠宣暢本朝而遠獻大珠以求

幸媚今封以還之

桓帝

諱志肅宗曾孫

災異詔

永興元年六月彭城泗水增長逆流京師蝗東海胸山崩九月朔日有食之乃

酒醪足以康穀而
漢詔令每引以為
戒亦責粟之一端
也

下詔

朝政失中雲漢作旱川靈涌水蝗蟲孽蔓殘我百穀太
陽虧光饑饉薦臻其不被害郡縣當為饑餒者儲天下
一家趣不康爛則為國寶其禁郡國不得賣酒祠祀裁
足

御選古文淵鑒卷十七